

*Robert Reeberg ta traduci cantica di festival di buki pa mucha*

## Ra...ra...ra...con por ta?

lesa ta dushi. Esaki pa medio di un festival cu musica, contamento di storia y presentacion di buki, autor y ilustrado. Mucha ta cera conoci cu e mundo di buki di cerca.

Biblioteca Nacional Aruba ta presenta un buki di festival titula 'Un Co...co...col-ebra grandi!' skirbi pa Curt Fortin y ilustra pa Marielle van de Beek. Pa e festival tin un videoclip special y tambe un cantica di festival. E cantica 'Raar maar waar' di e or-

ganisacion 'Kinderen voor Kinderen' a keda traduci na Papiamentu pa Robert Reeberg. E cantica ta titula 'Ra ra con por ta?' Robert Reeberg ta yuda activamente cu e festival di buki pa mucha unda cu e por. Den e dianan aki e ta na biblioteca tur dia.

Robert a nace na Aruba y a traha casi 40 aña den enseñansa. Actualmente e ta gosando di su pensioen y e tin mas tempo pa dedica na su hobby nan, esta compone cantica pa mucha. Algun aña pasa el a traha un cantica caba pa e Festival di Buki pa Mucha titula 'E mundo ta drey'. Recientemente Robert a saca un CD cu cantica pa mucha cu yama "Canta cu Alegria". Robert ta toca guitarra, e ta skirbi poesia pa mucha y pa hende grandi y e ta skirbi storia. Semper e tabata hopi creativo. El a skirbi hopi storia cortico cu e tawata uza den lesnan na scol. Tin diferente storia cortico cu el a publica den forma di buki. Cu su bukinan Robert kier stimula e muchanan pa



lesa, pasobra segun Robert lesamento sigur, sigur ta yuda pa habri e mente di mucha y ta laga e mucha bira mas inteligente.

Su prome publicacion tawata un traduccion di e cuenta di Alemania titula "Shete den un solo tiro". Otro bukinan pa mucha cu el a publica ta 'Tur pa mi, Cant'i lama', 'E anochi cu Sinterklaas a topa cu Santa Claus', 'Capa Blou', 'E hobby di Rino', 'E mago di

Sero Teishi', 'Cindy Rella', 'Un bula den lama' y 'Roy ta Piet'.

Mas tanto pa mucha Robert ta skirbi, pero e tambe tin obranan pa adulto manera e coleccinanan di poesia 'Blo sunu y Man teni'.

Biblioteca Nacional Aruba ta contento cu por conta cu Robert pa bishita muchanan di scol otro siman pa stimula lesamento y pasa un rato agradabel. □



Hopi esfuerso ta wordo haci pa envolvi tur mucha den lesamento y e celebracion di buki. Durante Festival di Buki pa Mucha ta purba di manda un mensahe pa tur mucha cu

